

FLOREM JUVENIS SUBITO MARCESCENTEM,

In Exemplo

JUVENIS EGREGII,

CHRISTIANI VOGTII,

MEMELENSIS,

LIBERALIUM ARTIUM ALUMNI,

ipsâ die funebri,

Die 14. Augusti A. O. R. M. DCCIII.

qua exuviæ Ejusdem tumulo Mariano mandabantur,

pro virili delineare voluerunt

GYMNASII THORUNENSIS

AUDITORES

SUPREMÆ & PRIMÆ CLASSIUM.

THORUNII,

EX OFFICINA NOBILISS. SENATUS ET GYMNASII

deria, f.
REZIK,
ator.

EFFIUS,



Adsta, Viator,
&
si forsan summum studium Tibi est,
Fragilitatem Humanæ Vitæ æstimare,
tecum reputa,
num invicem discrepet
FLORIS & HOMINIS
Conditio.
Dixerim sane,
similia in his inveniri fata.
FLOS,
undenam primordia & ortum suum trahat,
ipsemet nosse.
Terra est,
quæ ipsum gignit, fovet, auget, absumit:
Hæc ipsius Procreatrix, Altrix, Devoratrix.
HOMO,
ipse pulvis & umbra,
veram & genuinam lustrando Genealogiam,
nullum alium **PATREM,**
nullam aliam **MATREM**
agnoscit,
præter Terram:
Ex hujus sinu producit,
In hujus sinum rursus projicitur.
FLOS,
dum in pratis, campis & hortis virescit,
subito quoque vilescit;
dum pulchritudinem coloris & suavitatem odoris
ostentat,
curiosas Viatoris manus ad rapiendum se invitat,
ac sæpius,
Quem dies veniens vidit superbum,
Hunc dies fugiens jacentem vidit.
HOMO chœu!

qui ipsa fragilitate fragilior,
Vas itidem quassum est, & corpus fragile, in omnem fortunæ
contumeliam conjectum.

Oritur,
ut moriatur.

Oritur,
ut tandem miserâ & sollicitationibus fatigatus, occidat,
ac, quò amœniore & hilariore vultu natus, salutatur,
eò tristiore animò mortuus Terræ restitatur.

Vitam ipsius perpendis?

Tragœdiam perpendis,
multis & variis ærumnis refertam,
cujus tandem ultima Scena & Epilogus
Mors est.

FLOS,

quî semel interiit,
sedulâ & artificiosa Chymicorum manu
ex suis revocari potest salibus:
quem furni flamma in cineres redegit,
Ipsum artis ingenuæ vis per *παλιγγενεσία* resuscitare
valet.

HOMO,

licet in minutissimos redactus cineres,
Omnipotenti tamen Divini Numinis jussu è pulvere
tandem suo regenerabitur:

In quo

dira Mortis falx

suas tentare vires non erubuerat,
Eum benigna Numinis dextera resuscitare non dubitabit.

Atque ita

FLORI similem fuisse,

SVAVISSIMUM NOSTRUM COMMILITONEM,
CHRISTIANUM VOGT, MEMELENSEM,

Gymnasii Nostri Alumnum ornatissimum,

Mi Viator,

ne dubites!

Cum enim ipse flos fuerit,
floris etiam fata experiri debuit.

Ortus est sicuti flos; mortuus est, sicuti flos;
cum suavissimos de se spargere jam vellet odores,
evanuit;

cum jam probatoris Vitæ documenta pararet,
vivere desiit.

Nascentem, A. D. M. DCXXCV. Civitas Memelensis vidit;

qui

Flo.

Florescentem Patria Schola blandis amplexa est ulnis;
Marcescentem A. D. M. DCCIII. d. 10. Aug. Gymnasium Thorunense

luget;
olim

Patris gaudium,
Matris solatium,
Patriæ delictum;

nunc

Cadaver mortuum,
Epulum vermium.

P U E R U M

Domestica Musa in suo Viridario fovit:

A D O L E S C E N T E M

Biennio abhinc elapso, Lyceum nostrum in numerum suorum
recepit:

J U V E N E M

Athenæum Regiomontanum perpolire desideravit:

V I R U M

Patria aliquando audire voluit:
ast voluit! non valuit!

In Flore nempe Flos defloruit!

Neque tamen totus periit!

Caducam structuram,
Exuvias mortales,
Terræ reddidit;

Spiritum,

Universalis *παλιγγενεσία* die cum corpore reduniendum

Salvatori suo dicitavit,
commendavit:

Vitam scilicet spernere didicerat,
ut Vitam lucraretur.

Tu, Viator,

antequam hinc discedas,
recordare,

Non domum esse tuum corpus, sed hospitium, & quidem breve hospitium,
quod relinqvendum est,

ubi Te gravem hospiti esse videris.

V A L E !

